



Долоо хоног тутмын хэвлэл  
2016 оны 11 дүгээр сарын 28  
№ 43 /952/

# ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ

Монгол Улсын  
хууль

2154

Монгол Улсын  
Их Хурлын  
тогтоол

2156

Монгол Улсын  
Засгийн газрын  
тогтоол

2160

Нийтээр тэмдэглэх баярын  
болон тэмдэглэлт өдрүүдийн  
тухай хуульд нэмэлт, өөрчлөлт  
оруулах тухай

Үндсэн хуулийн цэцийн  
гишүүнээр томилох  
тухай

Цэцэрлэгийн хүрэлцээг  
сайжруулах тухай

## ГАРЧИГ

### МОНГОЛ УЛСЫН ХУУЛЬ

- |      |   |      |
|------|---|------|
| 750. | Нийтээр тэмдэглэх баярын болон тэмдэглэлт өдрүүдийн тухай хуульд нэмэлт, өөрчлөлт оруулах тухай | 2154 |
| 751. | Хөдөлмөрийн тухай хуульд нэмэлт оруулах тухай   | 2154 |

### МОНГОЛ УЛСЫН ИХ ХУРЛЫН ТОГТООЛ

- |      |   |      |
|------|---|------|
| 752. | Хог хаягдлын тухай хууль болон холбогдох бусад хуульд нэмэлт, өөрчлөлт оруулах тухай хуулиудыг буцаах тухай                   | 2155 |
| 753. | Хууль, тогтоолын төслүүдийг буцаах тухай  | 2155 |
| 754. | Үндсэн хуулийн цэцийн гишүүнээр томилох тухай   | 2156 |
| 755. | Үндсэн хуулийн цэцийн гишүүнээс чөлөөлөх тухай  | 2156 |
| 756. | Хүний эрхийн Үндэсний Комиссын гишүүнээр томилох тухай  | 2157 |
| 757. | Хүний эрхийн Үндэсний Комиссын даргын үүрэгт ажлаас чөлөөлөх тухай  | 2157 |
| 758. | Хүний эрхийн Үндэсний Комиссын даргаар томилох тухай  | 2158 |
| 759. | Монгол Улсын иргэний харьяаллын тухай хууль /Шинэчилсэн найруулга/-ийн төсөл болон холбогдох бусад хуулийн төсөл буцаах тухай | 2158 |
| 760. | Санхүүгийн зохицуулах хорооны гишүүний үүрэг ажлаас чөлөөлөх тухай  | 2159 |
| 761. | Санхүүгийн зохицуулах хорооны зарим гишүүнийг томилох тухай   | 2159 |

### МОНГОЛ УЛСЫН ЗАСГИЙН ГАЗРЫН ТОГТООЛ

- |      |   |      |
|------|---|------|
| 762. | Цэцэрлэгийн хүрэлцээг сайжруулах тухай                      | 2160 |
| 763. | Тогтоол хүчингүй болсонд тооцох тухай                       | 2161 |
| 764. | Олон улсын хүүхдийн спортын наадам зохион байгуулах тухай   | 2161 |
| 765. | Төсвийн зарим байгууллагын талаар авах арга хэмжээний тухай | 2163 |



## МОНГОЛ УЛСЫН ХУУЛЬ

2016 оны 11 дүгээр  
сарын 18-ны өдөр

Улаанбаатар  
хот

### НИЙТЭЭР ТЭМДЭГЛЭХ БАЯРЫН БОЛОН ТЭМДЭГЛЭЛТ ӨДРҮҮДИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

**1 дүгээр зүйл.** Нийтээр тэмдэглэх баярын болон тэмдэглэлт өдрүүдийн тухай хуулийн 4 дүгээр зүйлд доор дурдсан агуулгатай 4.1.9 дэх заалт нэмсүгэй.

“4.1.9. Бүгд Найрамдах Улс тунхагласан өдөр: 11 дүгээр сарын 26”.

**2 дугаар зүйл.** Нийтээр тэмдэглэх баярын болон тэмдэглэлт өдрүүдийн тухай хуулийн 5 дугаар зүйлийн 5.1.16 дахь заалтыг хүчингүй болсонд тооцсугай.

**3 дугаар зүйл.** Энэ хуулийг 2016 оны 11 дүгээр сарын 18-ны өдрөөс эхлэн дагаж мөрдөнө.

МОНГОЛ УЛСЫН  
ИХ ХУРЛЫН ДАРГА

М.ЭНХБОЛД

## МОНГОЛ УЛСЫН ХУУЛЬ

2016 оны 11 дүгээр  
сарын 18-ны өдөр

Улаанбаатар  
хот

### ХӨДӨЛМӨРИЙН ТУХАЙ ХУУЛЬД НЭМЭЛТ ОРУУЛАХ ТУХАЙ

**1 дүгээр зүйл.** Хөдөлмөрийн тухай хуулийн 76 дугаар зүйлд доор дурдсан агуулгатай 76.1.9 дэх заалт нэмсүгэй.

“76.1.9. Бүгд Найрамдах Улс тунхагласан өдөр: 11 дүгээр сарын 26”.

**2 дугаар зүйл.** Энэ хуулийг 2016 оны 11 дүгээр сарын 18-ны өдрөөс эхлэн дагаж мөрдөнө.

МОНГОЛ УЛСЫН  
ИХ ХУРЛЫН ДАРГА

М.ЭНХБОЛД

## **МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 17-ны өдөр

Дугаар 53

Улаанбаатар  
хот

### **Хог хаягдлын тухай хууль болон холбогдох бусад хуульд нэмэлт, өөрчлөлт оруулах тухай хуулиудыг буцаах тухай**

Монгол Улсын Их Хурлын тухай хуулийн 43 дугаар зүйлийн 43.1 дэх хэсгийг үндэслэн Монгол Улсын Их Хурлаас ТОГТООХ нь:

1.Монгол Улсын Их Хурлын чуулганы хуралдааны дэгийн тухай хуулийн 53 дугаар зүйлд заасан журмын дагуу Улсын Их Хурал эцсийн найруулгатай танилцах, ёсчлох, Монгол Улсын Ерөнхийлөгчид илгээх, “Төрийн мэдээлэл” эмхэтгэлд хэвлэн нийтлэх ажиллагаанууд хийгдээгүй тул Монгол Улсын Их Хурлаас 2016 оны 05 дугаар сарын 19-ний өдөр баталсан Хог хаягдлын тухай /Шинэчилсэн найруулга/ хууль болон түүнийг дагалдан өргөн мэдүүлсэн Хог хаягдлын тухай хууль хүчингүй болсонд тооцох тухай, Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуульд нэмэлт оруулах тухай, Аж ахуйн нэгжийн орлогын албан татварын тухай хуульд нэмэлт оруулах тухай, Зар сурталчилгааны тухай хуульд өөрчлөлт оруулах тухай, Үйлдвэрлэл, технологийн паркийн эрх зүйн байдлын тухай хуульд нэмэлт оруулах тухай хуулиудыг хууль санаачлагчид нь буцаасугай.

2.Энэ тогтоолыг 2016 оны 11 дүгээр сарын 17-ны өдрөөс эхлэн дагаж мөрдсүгэй..

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

## **МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 17-ны өдөр

Дугаар 54

Улаанбаатар  
хот

### **Хууль, тогтоолын төслүүдийг буцаах тухай**

Монгол Улсын Их Хурлын чуулганы хуралдааны дэгийн тухай хуулийн 16 дугаар зүйлийн 16.8 дахь хэсэг, 19 дүгээр зүйлийн 19.3.7 дахь заалтыг үндэслэн Монгол Улсын Их Хурлаас ТОГТООХ нь:

1.Монгол Улсын Ерөнхийлөгчөөс 2015 оны 10 дугаар сарын 19-ний өдөр Улсын Их Хуралд өргөн мэдүүлсэн Монгол Улс байнга төвийг сахих тухай хуулийн төсөл болон түүнтэй хамт өргөн мэдүүлсэн Нийтээр



тэмдэглэх баярын болон тэмдэглэлт өдрүүдийн тухай хуульд нэмэлт оруулах тухай хуулийн төсөл, “Монгол Улсын үндэсний аюулгүй байдлын үзэл баримтлал батлах тухай” Улсын Их Хурлын 2010 оны 48 дугаар тогтоолын хавсралтад өөрчлөлт оруулах тухай, “Монгол Улсын гадаад бодлогын үзэл баримтлал батлах тухай” Улсын Их Хурлын 2011 оны 10 дугаар тогтоолын хавсралтад өөрчлөлт оруулах тухай, “Хууль баталсантай холбогдуулан авах зарим арга хэмжээний тухай” Монгол Улсын Их Хурлын тогтоолын төслүүдийг нэгдсэн хуралдаанд оролцсон гишүүдийн олонхи хэлэлцэхийг дэмжээгүй тул хууль санаачлагчид нь буцаасугай.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

### **МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 17-ны өдөр

Дугаар 55

Улаанбаатар  
хот

#### **Үндсэн хуулийн цэцийн гишүүнээр томилох тухай**

Монгол Улсын Үндсэн хуулийн Жаран тавдугаар зүйлийн 1, 2 дахь хэсэг, Монгол Улсын Үндсэн хуулийн цэцийн тухай хуулийн 3 дугаар зүйлийн 1 дэх хэсэг, 4 дүгээр зүйлийн 1 дэх хэсэг, Монгол Улсын Их Хурлын чуулганы хуралдааны дэгийн тухай хуулийн 40 дүгээр зүйлийн 40.2 дахь хэсгийг үндэслэн Монгол Улсын Их Хурлаас ТОГТООХ нь:

1.Монгол Улсын Их Хурлын санал болгосноор Доржийн Одбаярыг Монгол Улсын Үндсэн хуулийн цэцийн гишүүнээр томилсугай.

2.Энэ тогтоолыг 2016 оны 11 дүгээр сарын 17-ны өдрөөс эхлэн дагаж мөрдсүгэй.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

### **МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 17-ны өдөр

Дугаар 56

Улаанбаатар  
хот

#### **Үндсэн хуулийн цэцийн гишүүнээс чөлөөлөх тухай**

Монгол Улсын Үндсэн хуулийн Жаран тавдугаар зүйлийн 1 дэх хэсэг, Монгол Улсын Үндсэн хуулийн цэцийн тухай хуулийн 4 дүгээр зүйлийн 3 дахь хэсгийг үндэслэн Монгол Улсын Их Хурлаас ТОГТООХ нь:

1.Бүрэн эрхийн хугацаа нь дуусгавар болсон тул Пунсалмаагийн Очирбатыг Монгол Улсын Үндсэн хуулийн цэцийн гишүүнээс чөлөөлсүгэй.

2.Энэ тогтоолыг 2016 оны 11 дүгээр сарын 17-ны өдрөөс эхлэн дагаж мөрдсүгэй.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

## **МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 17-ны өдөр

Дугаар 57

Улаанбаатар  
хот

### **Хүний эрхийн Үндэсний Комиссын гишүүнээр томилох тухай**

Монгол Улсын Хүний эрхийн Үндэсний Комиссын тухай хуулийн 5 дугаар зүйлийн 5.4 дэх хэсэг, 6 дугаар зүйлийн 6.1, 6.3 дахь хэсэг, Монгол Улсын Их Хурлын чуулганы хуралдааны дэгийн тухай хуулийн 45 дугаар зүйлийн 45.2 дахь хэсгийг үндэслэн Монгол Улсын Их Хурлаас ТОГТООХ нь:

1.Монгол Улсын Хүний эрхийн Үндэсний Комиссын гишүүнээр Жамсрангийн Бямбадоржийг улируулан томилсугай.

2.Энэ тогтоолыг 2016 оны 11 дүгээр сарын 17-ны өдрөөс эхлэн дагаж мөрдсүгэй.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

## **МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 17-ны өдөр

Дугаар 58

Улаанбаатар  
хот

### **Хүний эрхийн Үндэсний Комиссын даргын үүрэгт ажлаас чөлөөлөх тухай**

Монгол Улсын Хүний эрхийн Үндэсний Комиссын тухай хуулийн 5 дугаар зүйлийн 5.6 дахь хэсэг, Монгол Улсын Их Хурлын чуулганы хуралдааны дэгийн тухай хуулийн 45 дугаар зүйлийн 45.2 дахь хэсгийг үндэслэн Монгол Улсын Их Хурлаас ТОГТООХ нь:

1.Жамсрангийн Бямбадоржийг Монгол Улсын Хүний эрхийн Үндэсний Комиссын даргын үүрэгт ажлаас чөлөөлсүгэй.



2.Энэ тогтоолыг 2016 оны 11 дүгээр сарын 17-ны өдрөөс эхлэн дагаж мөрдсүгэй.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

**МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 17-ны өдөр

Дугаар 59

Улаанбаатар  
хот

**Хүний эрхийн Үндэсний Комиссын  
даргаар томилох тухай**

Монгол Улсын Хүний эрхийн Үндэсний Комиссын тухай хуулийн 5 дугаар зүйлийн 5.6 дахь хэсэг, Монгол Улсын Их Хурлын чуулганы хуралдааны дэгийн тухай хуулийн 45 дугаар зүйлийн 45.2 дахь хэсгийг үндэслэн Монгол Улсын Их Хурлаас ТОГТООХ нь:

1.Жамсрангийн Бямбадоржийг Монгол Улсын Хүний эрхийн Үндэсний Комиссын даргаар томилсугай.

2.Энэ тогтоолыг 2016 оны 11 дүгээр сарын 17-ны өдрөөс эхлэн дагаж мөрдсүгэй.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

**МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 17-ны өдөр

Дугаар 60

Улаанбаатар  
хот

**Монгол Улсын иргэний харьяаллын  
тухай хууль /Шинэчилсэн найруулга/-ийн  
төсөл болон холбогдох бусад хуулийн  
төсөл буцаах тухай**

Монгол Улсын Их Хурлын чуулганы хуралдааны дэгийн тухай хуулийн 22 дугаар зүйлийн 22.5 дахь хэсгийг үндэслэн Монгол Улсын Их Хурлаас ТОГТООХ нь:

1.Монгол Улсын Ерөнхийлөгчөөс 2016 оны 02 дугаар сарын 08-ны өдөр Монгол Улсын Их Хуралд өргөн мэдүүлсэн Монгол Улсын иргэний харьяаллын тухай хууль /Шинэчилсэн найруулга/-ийн төсөл болон Гадаадын иргэний эрх зүйн байдлын тухай хуульд нэмэлт, өөрчлөлт оруулах тухай, Гэр бүлийн тухай хуульд өөрчлөлт оруулах тухай, Гүйцэтгэх ажлын тухай хуульд өөрчлөлт оруулах тухай, Биеийн тамир, спортын тухай хуульд өөрчлөлт оруулах тухай, Гамшгаас хамгаалах тухай хуульд өөрчлөлт



оруулах тухай, Иргэний бүртгэлийн тухай хуульд өөрчлөлт оруулах тухай, Иргэний хэрэг шүүхэд хянан шийдвэрлэх тухай хуульд өөрчлөлт оруулах тухай, Улсын бүртгэлийн ерөнхий хуульд өөрчлөлт оруулах тухай, Улсын тэмдэгтийн хураамжийн тухай хуульд нэмэлт, өөрчлөлт оруулах тухай, Хүн ам, орон сууцны улсын тооллогын тухай хуульд өөрчлөлт оруулах тухай, Шинжлэх ухаан, технологийн тухай хуульд өөрчлөлт оруулах тухай, Эрүүгийн байцаан шийтгэх хуульд өөрчлөлт оруулах тухай, Хилийн боомтын тухай хуульд нэмэлт оруулах тухай, Төрийн албаны тухай хуульд нэмэлт оруулах тухай хуулийн төслүүдийг нэгдсэн хуралдаанд оролцсон гишүүдийн олонхи хэлэлцэх боломжгүй гэж үзсэн тул хууль санаачлагчид нь буцаасугай.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

**МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 18-ны өдөр

Дугаар 61

Улаанбаатар  
хот

**Санхүүгийн зохицуулах хорооны  
гишүүний үүрэгт ажлаас чөлөөлөх тухай**

Монгол Улсын Их Хурлын чуулганы хуралдааны дэгийн тухай хуулийн 45 дугаар зүйлийн 45.2 дахь хэсэг, Санхүүгийн зохицуулах хорооны эрх зүйн байдлын тухай хуулийн 13 дугаар зүйлийн 13.1.1 дэх заалтыг үндэслэн Монгол Улсын Их Хурлаас ТОГТООХ нь:

1.Бүрэн эрхийн хугацаа нь дуусгавар болсон тул Харьюугийн Бум-Эрдэнийг Санхүүгийн зохицуулах хорооны орон тооны гишүүний, Даваагийн Ганбаяр, Данжилаагийн Ганбат нарыг орон тооны бус гишүүний үүрэгт ажлаас тус тус чөлөөлсүгэй.

2.Энэ тогтоолыг 2016 оны 11 дүгээр сарын 18-ны өдрөөс эхлэн дагаж мөрдсүгэй.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

**МОНГОЛ УЛСЫН ИХ ХУРЛЫН ТОГТООЛ**

2016 оны 11 дүгээр  
сарын 18-ны өдөр

Дугаар 62

Улаанбаатар  
хот

**Санхүүгийн зохицуулах хорооны  
зарим гишүүнийг томилох тухай**

Монгол Улсын Их Хурлын чуулганы хуралдааны дэгийн тухай хуулийн 45 дугаар зүйлийн 45.2 дахь хэсэг, Санхүүгийн зохицуулах





хорооны эрх зүйн байдлын тухай хуулийн 11 дүгээр зүйлийн 11.2 дахь хэсэг, 12 дугаар зүйлийн 12.1 дэх хэсгийг үндэслэн Монгол Улсын Их Хурлаас ТОГТООХ нь:

1.Санхүүгийн зохицуулах хорооны орон тооны гишүүнээр Отгонбатын Батбилэгийг, орон тооны бус гишүүнээр Баасанжавын Батхишиг, Баярсайханы Баярдаваа нарыг тус тус томилсугай.

2.Санхүүгийн зохицуулах хорооны орон тооны бус гишүүнээр Лувсандагвын Энхтайванг улируулан томилсугай.

3.Энэ тогтоолыг 2016 оны 11 дүгээр сарын 18-ны өдрөөс эхлэн дагаж мөрдсүгэй.

**МОНГОЛ УЛСЫН  
ИХ ХУРЛЫН ДАРГА**

**М.ЭНХБОЛД**

## МОНГОЛ УЛСЫН ЗАСГИЙН ГАЗРЫН ТОГТООЛ

2016 оны 11 дүгээр  
сарын 16-ны өдөр

Дугаар 139

Улаанбаатар  
хот

### Цэцэрлэгийн хүрэлцээг сайжруулах тухай

Боловсролын тухай хуулийн 40.2, Сургуулийн өмнөх боловсролын тухай хуулийн 15.1-д заасныг үндэслэн Засгийн газрын 2016-2020 оны үйл ажиллагааны хөтөлбөрийг хэрэгжүүлэх зорилгоор Монгол Улсын Засгийн газраас ТОГТООХ нь:

1. Нийслэлийн Чингэлтэй дүүргийн 6 дугаар хорооны нутаг дэвсгэрт байрлах Тагнуулын ерөнхий газар эзэмшиж байгаа барилгыг хүүхдийн цэцэрлэгийн зориулалтаар тохижуулан, үйл ажиллагааг нь эхлүүлэх арга хэмжээ авч ажиллахыг Боловсрол, соёл, шинжлэх ухаан, спортын сайд Ж.Батсуурь, Тагнуулын ерөнхий газрын дарга Б.Хурц нарт даалгасугай.

2. Энэ тогтоолын 1 дүгээр зүйлд заасан хүүхдийн цэцэрлэг байгуулахад шаардлагатай зөвшөөрлийг зохих журмын дагуу олгохыг Нийслэлийн Засаг дарга С.Батболд, цэцэрлэгийн тохижилт, үйл ажиллагааны зардлыг жил бүрийн улсын төсөвт тусгаж байхыг Сангийн сайд Б.Чойжилсүрэн нарт даалгасугай.

**МОНГОЛ УЛСЫН  
ЕРӨНХИЙ САЙД**

**Ж.ЭРДЭНЭБАТ**

**МОНГОЛ УЛСЫН САЙД,  
ЗАСГИЙН ГАЗРЫН ХЭРЭГ  
ЭРХЛЭХИЙН ГАЗРЫН ДАРГА**

**Ж.МӨНХБАТ**

## МОНГОЛ УЛСЫН ЗАСГИЙН ГАЗРЫН ТОГТООЛ

2016 оны 11 дүгээр  
сарын 16-ны өдөр

Дугаар 141

Улаанбаатар  
хот

### Тогтоол хүчингүй болсонд тооцох тухай

Улсын Их Хурлын 2016 оны 47 дугаар тогтоолыг хэрэгжүүлэх зорилгоор Засгийн газрын тухай хуулийн 30 дугаар зүйлийн 1 дэх хэсэгт заасныг үндэслэн Монгол Улсын Засгийн газраас ТОГТООХ нь:

1. “Үүрэн телефон хэрэглэх эрх бүхий албан тушаалтны жагсаалт, зардлын норматив батлах тухай” Засгийн газрын 1999 оны 5 дугаар сарын 26-ны өдрийн 84 дүгээр тогтоолыг хүчингүй болсонд тооцсугай.

2. Энэ тогтоол гарсантай холбогдуулан “Зардлын норматив, нийтлэг жишиг батлах тухай” Засгийн газрын 2002 оны 6 дугаар сарын 11-ний өдрийн 120 дугаар тогтоолын 1 дүгээр хавсралтын “Нэг” дэх хэсгийн 2 дахь заалтыг хүчингүй болсонд тооцсугай.

**МОНГОЛ УЛСЫН  
ЕРӨНХИЙ САЙД  
САНГИЙН САЙД**

**Ж.ЭРДЭНЭБАТ  
Б.ЧОЙЖИЛСҮРЭН**

## МОНГОЛ УЛСЫН ЗАСГИЙН ГАЗРЫН ТОГТООЛ

2016 оны 11 дүгээр  
сарын 16-ны өдөр

Дугаар 145

Улаанбаатар  
хот

### Олон улсын хүүхдийн спортын наадам зохион байгуулах тухай

Биеийн тамир, спортын тухай хуулийн 7.1.5-д заасныг үндэслэн Монгол Улсын Засгийн газраас ТОГТООХ нь:

1. “Азийн хүүхдүүд” олон улсын хүүхдийн спортын VII наадмыг 2020 онд Монгол Улсад зохион байгуулсугай.

2. Олон улсын хүүхдийн спортын VII наадмыг зохион байгуулах болсонтой холбогдуулан дараах арга хэмжээг авч ажиллахыг Боловсрол, соёл, шинжлэх ухаан, спортын сайд Ж.Батсуурьт даалгасугай:

2.1. олон улсын хүүхдийн спортын VII наадмын бэлтгэлийг хангах үндэсний хороо байгуулан үйл ажиллагааг нь удирдаж, наадмын



бэлтгэл хангах ажлын төлөвлөгөө гарган хэрэгжилтийг зохион байгуулах;

2.2. олон улсын хүүхдийн спортын наадмын хөтөлбөрт орсон спортын төрлүүдээр ерөнхий боловсролын сургуулийн дэргэдэх спортын дугуйлан болон биеийн тамирын гүнзгийрүүлсэн сургалттай анги, сургуулийг түшиглэн хүүхдүүдийг хичээллүүлэх, биеийн тамирын хичээлийн сургалтын хөтөлбөрийн агуулгад наадмын хөтөлбөрт орсон спортын төрлүүдийг шинээр нэмэх асуудлыг судалж, үе шаттайгаар шийдвэрлэх;

2.3. Монголын хүүхдийн спортын ээлжит наадмыг 2019 онд улсын хэмжээнд зохион байгуулж, олон улсын хүүхдийн спортын наадамд улсаа төлөөлөн оролцох баг, тамирчдыг сонгон шалгаруулах;

2.4. олон улсын хүүхдийн спортын наадмыг зохион байгуулах бэлтгэлийг хангах, хөрөнгө төвлөрүүлэх, наадмын бэлтгэл ажилд олон нийтийн оролцоог хангах, дотоод болон гадаадад сурталчлах үйл ажиллагааг гүйцэтгэх чиг үүрэг бүхий төслийн нэгжийг батлагдсан орон тоо, төсөвтөө багтаан байгуулан ажиллуулах;

2.5. бэлтгэл ажлын хүрээнд шинээр барих болон засвар хийх спортын барилга байгууламж, заал, танхим, тэмцээнд ашиглах спортын хэрэглэл, тоног төхөөрөмжийн судалгааг гарган хөрөнгийн эх үүсвэрийг 2018 оноос эхлэн төсөвт үе шаттай тусгах;

2.6. олон улсын хүүхдийн спортын наадмыг Монгол Улсад зохион байгуулах талаар Азийн олимпийн зөвлөл, “Азийн хүүхдүүд” олон улсын наадмыг зохион байгуулах хороотой гэрээ байгуулан хамтран ажиллаж, гадаад орон, олон улсын хөгжлийн байгууллага, хувийн хэвшлийн хандив, тусламжаар хөрөнгийн эх үүсвэр бүрдүүлэх;

2.7. олон улсын хүүхдийн спортын наадмын бэлтгэлийг хангах талаар хийж байгаа ажлын явц, дүнг жил бүрийн I улиралд багтаан Засгийн газарт танилцуулж байх.

3. “Азийн хүүхдүүд” олон улсын хүүхдийн спортын VII наадамд Монгол Улсыг төлөөлөн оролцох өсвөрийн тамирчдыг үе шаттай бэлтгэж, дэмжлэг үзүүлэх зорилгоор Засаг даргын дэргэдэх өсвөрийн шигшээ багийг олон улсын хүүхдийн спортын VII наадмын хөтөлбөрт орсон спортын төрлүүдээр байгуулан хүүхэд, залуучуудын дунд тэмцээн, уралдаан зохион

байгуулж, өсвөрийн тамирчдын амжилтыг урамшуулахад шаардагдах хөрөнгийг жил бүр төсөвтөө тусган ажиллахыг аймаг, нийслэл, дүүргийн Засаг дарга нарт үүрэг болгосугай.

4. Олон улсын хүүхдийн спортын наадмын үеэр ажиллах шүүгч, зохион байгуулагч болон өсвөрийн тамирчдын бэлтгэл сургуулилалтыг хангах ажлыг 2017 оны 1 дүгээр сараас бэлтгэх, тэдгээрийг давтан сургах, мэргэшил, ур чадварыг нь дээшлүүлэх арга хэмжээ авч, улсын аварга шалгаруулах тэмцээн зохион байгуулахдаа өсвөр үеийн насны ангиллыг оруулж байхыг спортын холбоодод зөвлөсүгэй.

**МОНГОЛ УЛСЫН**

**ЕРӨНХИЙ САЙД**

**Ж.ЭРДЭНЭБАТ**

**БОЛОВСРОЛ, СОЁЛ, ШИНЖЛЭХ**

**УХААН, СПОРТЫН САЙД**

**Ж.БАТСУУРЬ**

## **МОНГОЛ УЛСЫН ЗАСГИЙН ГАЗРЫН ТОГТООЛ**

2016 оны 11 дүгээр  
сарын 16-ны өдөр

Дугаар 149

Улаанбаатар  
хот

### **Төсвийн зарим байгууллагын талаар авах арга хэмжээний тухай**

Төсвийн тухай хуулийн 10.1.10, Төрийн болон орон нутгийн өмчийн тухай хуулийн 9 дүгээр зүйлийн 5, Эрүүл мэндийн тухай хуулийн 15.1.6-д заасныг тус тус үндэслэн Монгол Улсын Засгийн газраас **ТОГТООХ** нь:

1. Эрүүл мэндийн сайдын эрхлэх асуудлын хүрээнд үйл ажиллагаа явуулж байгаа “Нийгмийн эрүүл мэндийн хүрээлэн”-г “Нийгмийн эрүүл мэндийн үндэсний төв” болгон өөрчлөн зохион байгуулсугай.

2. Нийгмийн эрүүл мэндийн хүрээлэнг өөрчлөн зохион байгуулахтай холбогдуулан уг хүрээлэнгийн харьяанд үйл ажиллагаа явуулж байгаа “Нийгмийн эрүүл мэндийн лавлагаа төв”-ийн нэрийг “Нийгмийн эрүүл мэндийн лавлагаа лаборатори” болгон өөрчилж, “Биобэлдмэлийн үйлдвэр” төрийн өмчит улсын үйлдвэрийн газрыг татан буулгаж, чиг үүргийг нь Нийгмийн эрүүл мэндийн үндэсний төвд шилжүүлсүгэй.

3. Нийгмийн эрүүл мэндийн үндэсний төвийн орон тооны дээд хязгаарыг 110 байхаар тогтоосугай.



4. Нийгмийн эрүүл мэндийн үндэсний төвийн дүрэм, зохион байгуулалтын бүтцийг шинэчлэн баталж мөрдүүлэхийг Эрүүл мэндийн сайд А.Цогцэцэгт даалгасугай.

5. Энэ тогтоол гарсантай холбогдуулан “Шинжлэх ухааны байгууллагуудын талаар авах зарим арга хэмжээний тухай” Засгийн газрын 2015 оны 1 дүгээр сарын 26-ны өдрийн 27 дугаар тогтоолын 1 дүгээр хавсралтын “Нийгмийн эрүүл мэндийн хүрээлэн” гэснийг “Нийгмийн эрүүл мэндийн үндэсний төв” болгон өөрчилсүгэй.

**МОНГОЛ УЛСЫН  
ЕРӨНХИЙ САЙД**

**ЭРҮҮЛ МЭНДИЙН САЙД**

**Ж.ЭРДЭНЭБАТ**

**А.ЦОГЦЭЦЭГ**

**Хаяг:**

“Төрийн мэдээлэл” эмхэтгэлийн редакци.  
Улаанбаатар-14201, Төрийн ордон 124 тоот  
И-мэйл: [tugui\\_medecelel@parliament.mn](mailto:tugui_medecelel@parliament.mn)

**Утас:** 262420

Хэвлэлийн хуудас: 0.75

**Индекс: 14003**